

ফজরে ইমাম সাহেব প্রায়ই সুরা ইনফিতার পড়ে থাকেন। উনার ফেবারিট হবে হয়তো। এই সুরার শেষাংশে আসলেই মনে হয় হুজুর অন্য একটা সুরা পড়লে ভাল হতো না ? বিচার দিবস কী - এটা আল্লাহ্ মোটামুটি ধমক দিয়ে বলছেন "তুমি কি জান কর্মফলের দিনটি কী?" "আবার বলি, তুমি কি জান কর্মফলের দিনটি কী "

আমার কাছে মনে হয় পুলিশ আসামীদের কলার বা চুল ধরে জিজ্ঞেস করে "বল, বুঝতে পেরেছিস", "বল বুঝতে পেরেছিস?" - অনেকটা সেরকম।

--

কর্মফলের দিন তারা তাতে প্রবেশ করবে।
তারা সেখান থেকে কক্ষনো উধাও হয়ে যেতে পারবে না।
তুমি কি জানো কর্মফলের দিনটি কী?
আবার বলি, তুমি কি জানো কর্মফলের দিনটি কী ?

--

আয়াত ১৫-১৮

সুরার শুরুটাও অনেক ভয়ংকর। যদিও বাংলার তরজমায় তেমন ভয় ভাব আসে না "যখন আকাশ বিদীর্ণ হবে"। ইংরেজিতে কয়েকটা ট্রান্সলেশনের মধ্যে Pickthall এর অনুবাদটা ভাল এবং ভয়ংকর

"When the heaven is cleft asunder"।

নিজে নামাজ পড়ার সময় এসব সুরা অবচেতন মনে স্কিপ করে যাই। যেমন সুরা মা'উন-ও স্কিপ করি কারণ " **অতএব দুর্ভোগ সে সব নামায আদায়কারীর, যারা তাদের সালাতে অমনোযোগী**" - এই আয়াত আসলে মনে হয় এই আয়াতের সাবজেক্ট তো আমি-ই এবং উন্নতিও হচ্ছে না। মাঝে মাঝে অটোপাইলট মুডে নামাজ হয় এই অভিশপ্ত ব্যস্ততায়।

আল্লাহুস্মাগফিরলানা।

* * *

17/02/2020, 00:38